

FILEMON Paulo Ovoli Kĩ Etsɛɛ Ema Filemon

^I Yĩ, Paulo kĩ bido ne kola ne Kristo Yesu sũ, mɔ boe ɔwaẽ Timoteo sekẽ ovoli kĩĩ to. Bɔtsɛɛ ye boama nɔ, Filemon boe ɔkɔba adzuma ɔkenane kĩ boawe kale paa. ^{II} Bɔtsɛɛ ye leme boama bate badone a kĩ batsena ne nɔ toto kame, mɔ boe ɔwaẽtsole Apia, mɔ boe ɔkɔba paa Arkipo kĩ yakena boe ɔlate adzuma mɔ ɔsĩ mɔ ɔsĩ nde sodzani aye a. ^{III} Baguma boe ɔlega mɔ boe ɔlate Yesu Kristo bemɔ mi kɔnya, bekpa mi lukudo leme.

Filemon Deĩ ɔɔɔ Mɔ Katskado.

^{IV} Nwaẽ Filemon, lɔkɔ nye lɔkɔ kĩ mabɔa mpae ni, mate ane ne nɔ akũ, ade manye Baguma kole ne nɔ lolɔ, ^V kitonekĩ nnu ayekĩ awe Baguma bati kale, mɔ ayekĩ ɔte boe ɔlate Yesu odo a sũ. ^{VI} Mabɔa mpae kĩ ɔmɔa a kĩ boakena nde bate badone aye a ena ɔsĩ ebu, ayekĩ bóapuli bunu fɔtsa wĩ flee a kĩ fudeĩ ne ɔmɔa kakena mɔ Kristo kayɔ a dzununuunu. ^{VII} Nwaẽ, mmó kawole ade ɔwole ka edzi yĩ a, kitonekĩ nɔ ɔɔɔ a kĩ odeĩ ɔkpa Baguma bati a fĩ bena kaweya.

Paulo Ke Aduli Ne Onesimo Lolɔ.

^{VIII} Ne fukĩĩ sũ, yĩ nde awaẽ ne Kristo kame aye a, maapuli nkɔa otumi mbi nɔ kĩ kena letsa a kĩ kene kĩ kena. ^{IX} Leme kĩ mawe nɔ kale sũ ni, nkɔa kudulike makpa nɔ mbom. Makena fukĩĩ midi kĩ yĩ, Paulo, Kristo Yesu fɔtɔ ɔnyane, nwaa

kola ne ye sũ. ^X Ne foesũ nkɔa kudulike makpa nɔ ne Onesimo lɔlɔ. Enye yĩ mɔawe obi ne Kristo kame. Ndani hũhũ kame kɔlega nkpa ye ne lɔkɔ a kĩ nwa a kola a. ^{XI} Titɔ kĩ ye dĩ kayɔ nye nfasɔ malo a, kɔkɔe a, ɔtána ye akũ nfasɔ adima, leme finyaakĩ a, ye akũ deĩ nfasɔ ekpa bɔmɔ nɔ flee.

^{XII} Nfɔ emuniki yaya ne nɔ sekẽ, ade fɔakena yĩ nde yĩ ɔwɔle flee tomɔ ye a. ^{XIII} Kĩ nwa a kola ne Kale Wĩ a sũ ni, nwe kĩ ekaho ne yĩ sekẽ ne awĩ kufe, ekaabumɔ yĩ adzuma ne nɔ kadokɔ. ^{XIV} Leme ntáwe kĩ mahe nɔ kĩ kpa yĩ kabumena, mbom mawe kĩ kena foe futo nɔ ɔwɔle kame. Foesũ nláakena letsama mbɔente otunɔ ne foe akũ.

^{XV} Ɔsa Onesimo dzakũ ne nɔ sekẽ ne lɔkɔ lukũ kame, ayekĩ yaabuki emuniki eya ne nɔ sekẽ eyaadzi flee. ^{XVI} Finyaakĩ nné ɔsate odi ebuki yane, mbom enye oti kĩ ebẽ ɔsate kɔlaa. Enye ɔwaɛnyole kĩ maátunɔ ye kale ne Kristo kame. Dã ayekĩ ete kɔya ekpa yĩ! Leme yaabuki ete kɔya ekpa nɔ eba nde ɔsate aye, ade yaabuki enya ɔwaɛnyole ne boe Ɔlate dĩ akũ a.

^{XVII} Foesũ nte ɔbɔe yĩ nde nɔ ɔkɔba adzuma ɔkenane aye ni, te ye mɔ kawɔle nde ayekĩ aate yĩ. ^{XVIII} Nte edi nfumususu adi ne nɔ akũ, ñye edzimɔ nɔ kɔtɔ kudi malo ni, bu foe akũ akunta kakɔa kakpa yĩ. ^{XIX} Yĩ Paulo mɔawe lekɔa awe matsɛle kĩ maase nɔ kɔtɔ. Leme ntáwe kĩ mate nɔ ane kĩ nɔ mɔawe a odzimɔ yĩ nɔ nkpá kɔtɔ. ^{XX} Foesũ nwaɛ, mawe kĩ kpa yĩ kabumena kĩ ne boe Ɔlate sũ. Ne Kristo sũ kena foe ayekĩ ɔwɔle aaka edzi yĩ.

XXI Ntsele ovoli kīi mamena nɔ, ade mate kado kī aakena ne letsa a kī mavia nɔ a akū a. Īnyina pefee kī aakena ɔkpa yī foba ayekī nvia nɔ malo.

XXII Fukī fubu nye kī we kola kayi yī, kitonekī mate kado kī Baguma aatse mi flee mpaɛbo lokɔa etuno ĩya ne mi sekē.

Kawōna Nkaɛ.

XXIII Epafra, kī bomo ye waa kola ne Kristo sū a bo yawōna nɔ! **XXIV** Ade ayea Marko, mɔ Aristarko, mɔ Dema, mɔ Luka, yī bakoba kī babumo yī adzuma kīi kakena a, awōna nɔ.

XXV Boe ɔlate Yesu Kristo emɔ mi hūhū flee kɔnya.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e